

Adroddiad i'r Cabinet

Dyddiad y cyfarfod: 23 Tachwedd 2021

Aelod Arweiniol / Swyddog: Y Cyngorydd Bobby Feeley / Catrin Roberts (Tîm Cydweithio Rhanbarthol)

Awdur yr Adroddiad: Catrin Perry / Siobhan Gothorp (Tîm Cydweithio Rhanbarthol)

Teitl Gwahoddiad i Dendro'r Gwasanaeth Cymorth Asesu Cof Rhanbarthol.

1. Am beth mae'r adroddiad yn sôn?

- 1.1. Ceisir cymeradwyaeth y Cabinet i Gyngor Sir Ddinbych weithredu fel y Comisiynydd Arweiniol ar ran y Tîm Cydweithio Rhanbarthol (partneriaid y chwe Awdurdod Lleol a Bwrdd Iechyd Prifysgol Betsi Cadwaladr yng Ngogledd Cymru] ar Wahoddiad i Dendro gyda gwerth contract posibl o hyd at £3.36 miliwn (dros gyfnod posibl o 5 mlynedd) ar gyfer y Gwasanaeth Asesu Cymorth Cof Rhanbarthol.

2. Beth yw'r rheswm dros lunio'r adroddiad hwn?

- 2.1. Mae angen gwneud penderfyniad ynghylch a all Cyngor Sir Ddinbych weithredu fel y Comisiynydd Arweiniol.

3. Beth yw'r Argymhellion?

- 3.1. Bod Cyngor Sir Ddinbych yn gweithredu fel y Comisiynydd Arweiniol ar gyfer y Gwahoddiad i Dendro'r Gwasanaeth Asesu Cymorth Cof Rhanbarthol.
- 3.2. Bod ymarfer y Gwahoddiad i Dendro'n cael ei arwain gan dîm caffael Cyngor Sir Ddinbych er mwyn sicrhau bod y drefn briodol yn cael ei dilyn sy'n addas ar gyfer gwerth posibl y contract.
- 3.3. Bod y Pwyllgor yn cadarnhau ei fod wedi darllen, deall ac ystyried yr Asesiad o'r Effaith ar Les (Atodiad A) fel rhan o'i ystyriaethau.

4. Manylion yr Adroddiad

- 4.1. Mae Bwrdd Partneriaeth Ranbarthol Gogledd Cymru drwy'r Tîm Cydweithio Rhanbarthol, wedi sicrhau cyllid ychwanegol / newydd a chylchol gwerth £672,000 / y flwyddyn gan Lywodraeth Cymru i ddatblygu dull rhanbarthol gwell i gefnogi unigolion sydd â dementia neu broblemau / pryderon mewn perthynas â'r cof yn ystod y camau cyn-asesu ac ôl-ddiagnosis.
- 4.2. Mae Llywodraeth Cymru wedi ymrwymo'r cyllid dan ei Raglen 'Cyllid Gofal Integredig'. Sefydlwyd y rhaglen Cyllid Gofal Integredig i hwyluso cydweithio gwell rhwng gwasanaethau gofal cymdeithasol a gofal iechyd, a'i gwneud yn haws i unigolion gael mynediad at wasanaethau o ansawdd uchel cyn gynted â phosibl.
- 4.3. Dylid defnyddio'r cyllid i gefnogi gweithrediad 'Strategaeth Dementia Gogledd Cymru (Mawrth 2020)'.
- 4.4. Bydd Grŵp Arweinyddiaeth Gogledd Cymru, sy'n cynnwys Cyfarwyddwyr Strategol Gofal Cymdeithasol Awdurdodau Lleol, yn llywodraethu a chraffu ar y prosiect.
- 4.5. Bydd Bwrdd Iechyd Prifysgol Betsi Cadwaladr yn rheoli dosbarthiad y cyllid ar ran y prosiect. Mae'r Bwrdd Iechyd wedi sefydlu cyfrif cadw at y diben hwn.
- 4.6. Pwrpas y Gwahoddiad i Dendro yw nodi partneriaid y gallai'r prosiect weithio gyda hwy i ddatblygu a gweithredu lefel gyson o fynediad at wasanaethau a fydd yn darparu cefnogaeth yn ystod y cam cyn-asesu (h.y. mynediad at wybodaeth a chanllawiau) a'r cam ôl-ddiagnosis (h.y. cefnogaeth hirdymor) i'r rheiny sy'n colli'r cof, yn pryderu am eu cof neu'n dioddef â dementia, a'u teulu / gofalwyr.
- 4.7. Y weledigaeth yw y bydd y partneriaid a nodwyd yn sefydlu gwell lefel o gefnogaeth, gan adeiladu ar yr arferion rhagorol sydd eisoes ar waith ar draws y rhanbarth a darparu rhwydwaith gyson a hygyrch o gefnogaeth i'r rheiny sy'n pryderu am golli'r cof. Bydd mynediad at gymorth yn cael ei ddatblygu drwy weithredu rhwydwaith o ganolfannau / pwyntiau mynediad ar draws y rhanbarth o fewn y cymunedau lle nad ydynt ar gael ar hyn o bryd. Bydd cefnogaeth gyson yn cael ei darparu drwy ddatblygu llwybrau atgyfeirio a llwybrau cymorth

rhanbarthol. Yn ei hanfod, mae'r prosiect yn ceisio gweithredu dull 'siop un alwad' a 'thaith dementia' yn rhanbarthol sy'n ategu at yr arferion rhagorol sydd eisoes ar waith yn lleol, i ddarparu lefelau cefnogaeth gwell i'r rheiny sy'n pryderu am golli'r cof.

5. Sut mae'r penderfyniad yn cyfrannu at y Blaenoriaethau Corfforaethol?

5.1. Strategaeth Dementia Gogledd Cymru (Mawrth 2020).

Mae cefnogaeth i bobl sy'n byw â dementia yn flaenoriaeth yng 'Nghynllun Rhanbarthol Gogledd Cymru (Cynllun Ardal)' yn seiliedig ar y pethau y dywedodd pobl a oedd yn bwysig iddyn nhw fel rhan o'r 'Asesiad o Boblogaeth Gogledd Cymru'.

Mae 'Deddf Gwasanaethau Cymdeithasol a Llesiant 2014' yn gosod dyletswydd gyfreithiol ar Fyrddau Partneriaeth Rhanbarthol i flaenoriaethu integreiddio gwasanaethau mewn perthynas â phobl hŷn ag anghenion cymhleth a chyflyrau hirdymor, gan gynnwys dementia.

Mae 'Strategaeth Dementia Gogledd Cymru (Mawrth 2020)' yn nodi sut y byddwn yn gweithio tuag at wasanaethau dementia integredig yng Ngogledd Cymru. Fe'i datblygwyd ar y cyd gan y chwe chynghor yng Ngogledd Cymru a Bwrdd Iechyd Prifysgol Betsi Cadwaladr (BIPBC) gyda chefnogaeth gan Iechyd Cyhoeddus Cymru, Prifysgol Bangor a phartneriaid eraill.

6. Faint fydd hyn yn ei gostio a sut y bydd yn effeithio ar wasanaethau eraill?

6.1. Mae'r Tîm Prosiect wedi dyrannu'r gyllideb ganlynol ar gyfer y gwasanaethau a geisir o dan bob cyfran o'r Gwahoddiad i Dendro:

Cyfran 1: Darparu cefnogaeth cyn-asesu ac ôl-ddiagnosis rhanbarthol (h.y. Gwybodaeth, cyngor, canllawiau + cefnogaeth drwy'r Llwybr Asesu'r Cof): £360,000 y flwyddyn;

Cyfran 2: Dynodwyr Rhanbarthol (h.y. Dynodi a chefnogi'r rheiny sy'n derbyn diagnosis mewn lleoliadau iechyd eraill): £112,000 y flwyddyn;

Cyfran 3: Darparu Canolfannau Dementia Rhanbarthol (h.y pwyntiau mynediad corfforol at wasanaethau a gwybodaeth, cyngor a chanllawiau o fewn y gymuned): £200,000 y flwyddyn.

- 6.2. Nid oes unrhyw gostau ychwanegol i'r Cyngor na'r Partneriaid am reoli'r Gwahoddiad i Dendro. Bydd aelodau presennol o staff o'r Tîm Cydweithio Rhanbarthol yn darparu cymorth rheoli prosiect i'r Gwahoddiad i Dendro. Bydd Adran Caffael Corfforaethol presennol Cyngor Sir Ddinbych / Cyngor Sir y Fflint ac Adran Gwasanaethau Cyfreithiol Cyngor Sir Ddinbych yn darparu cymorth ar agweddau caffael a chyfreithiol y Gwahoddiad i Dendro.
- 6.3. Bydd y goblygiadau i wasanaethau eraill yn cynnwys gwella a chynyddu'r ddarpariaeth bresennol drwy ddarparu llwybr i bartneriaid a gwasanaethau eraill ei ddilyn ar draws y rhanbarth a chreu mynediad teg at wasanaethau i bobl â phroblemau yn ymwneud â'r cof, Dementia a'u teulu / gofalwyr.

7. Beth yw prif gasgliadau'r Asesiad o'r Effaith ar Les?

- 7.1. Cwblhawyd ac adolygwyd yr Asesiad o Effaith ar Les gan y Tîm Cydweithio Rhanbarthol yn ystod camau cynllunio cychwynnol a pharhaus.
- 7.2. Bydd y llwybr yn darparu gwasanaethau rhanbarthol effeithlon, effeithiol a theg ar gyfer pobl sydd â dementia a'u gofalwyr.
- 7.3. Bydd y llwybr yn gwaredu'r dyblygiad a nodwyd ac yn galluogi defnydd effeithiol o gyllid a darpariaeth gwasanaeth.
- 7.4. Bydd y llwybr yn sicrhau bod unigolion yn derbyn cefnogaeth cyn ac ar ôl cael diagnosis ar draws y rhanbarth.
- 7.5. Bydd y llwybr yn cynnig darpariaeth gwasanaeth ychwanegol o ran cefnogaeth cyn diagnosis i gefnogi gwelliannau a chanlyniadau iechyd.
- 7.6. Bydd y llwybr yn darparu prosesau cydweithio a gweithio integredig dan gontract rhwng darparwyr.
- 7.7. Bydd y llwybr yn cefnogi nodweddion a ddiogelir ac yn darparu cefnogaeth drwy gyfrwng y Gymraeg a / neu iaith ddewisol.

7.8. Mae'r cyllid yn rheolaidd ac yn cael ei reoli'n rhanbarthol, i sicrhau cynaliadwyedd y prosiect.

8. Pa ymgynghoriadau sydd wedi'u cynnal gyda Chraffu ac eraill?

8.1. Ymgynghorwyd ag aelodau o Fwrdd Partneriaeth Rhanbarthol Gogledd Cymru pan gafodd y cais ei gyflwyno i Lywodraeth Cymru er mwyn datblygu dull rhanbarthol gwell ar gyfer cefnogi unigolion sy'n pryderu am golli'r cof yn ystod y camau cyn-asesu ac ôl-ddiagnosis. Mae Grŵp Arweinyddiaeth a Bwrdd Partneriaeth Rhanbarthol Gogledd Cymru wedi cymeradwyo a chanmol y cais. Bydd y Tîm Prosiect yn adrodd ar gynnydd i'r Bwrdd Partneriaeth Rhanbarthol.

8.2. Bydd Grŵp Arweinyddiaeth Gogledd Cymru'n llywodraethu ac yn craffu ar y prosiect.

8.3. Bydd y Tîm Prosiect yn darparu adroddiadau chwarterol i'r Grŵp Arweinyddiaeth.

9. Datganiad y Prif Swyddog Cyllid

9.1. Mae'r gwasanaeth wedi cadarnhau bod y cyllid allanol ar gyfer costau'r gweithgarwch rhanbarthol hwn wedi cael ei gadarnhau. Mae gan Gyngor Sir Ddinbych enw da am reoli cydweithrediad rhanbarthol a fydd yn helpu i sicrhau bod y drefn briodol yn cael ei dilyn. Cefnogir yr argymhellion.

10. Pa risgiau sydd ac a oes unrhyw beth y gallwn ei wneud i'w lleihau?

10.1. Byddai ymarfer y Gwahoddiad i Dendro'n cael ei arwain gan dîm caffael Cyngor Sir Ddinbych er mwyn sicrhau bod y drefn briodol sy'n addas ar gyfer y gwerth contract posibl yn cael ei dilyn. Mae hyn yn lleihau'r perygl o heriau.

10.2. Rhennir y perygl o her gyfreithiol ymhlith y Partneriaid Cydweithio Rhanbarthol yn unol â Bwrdd Partneriaeth Rhanbarthol Gogledd Cymru – Cytundeb Cydweithio Bwrdd Comisiynu Rhanbarthol Gogledd Cymru 2019 – 2024.

11. Pŵer i wneud y Penderfyniad

11.1. Mae'r Rheol Gweithdrefn Contract 2.7.2 ii yn ei gwneud yn ofynnol i gaffaeliad sy'n werth dros £2,000,000.01 gael ei gymeradwyo gan y Cabinet.